

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINSKI SUD U BUGOJNU
Broj: 46 0 K 110212 23 K
Dana : 26.03.2024.godine

U IME FEDERACIJE BOSNE I HERCEGOVINE !

P R E S U D U

OPTUŽENI: M.H., sin H. i majke F. rođene S., rođen danagodine u B., općina B., nastanjen u ulici Jemanlići bb, općina D.V.,, državljanin BiH, pismen, završio SSS, po zanimanju tehničar finalne obrade drveta, zaposlen, oženjen, otac dvoje djece, vojsku nije služio, ne vodi se u VE, srednjeg imovnog stanja, JMBG:, neosuđivan, ne vodi se drugi postupak.

K R I V J E

Što je :

Noću 16.10.2022.godine oko 01,20 sati iz benzinske pumpe Tioil d.o.o. Bila-Vitez, Poslovna jedinica Donji Vakuf locirana u ulici 14 Septembar bb u Donjem Vakufu, općina Donji Vakuf, zajedno i po prethodnom dogovoru sa E.K., u odnosu na kojeg je krivični postupak razdvojen, upotrebom sile protiv neke osobe oduzeli tuđu pokretninu, novac sa ciljem da njenim prisvajanjem pribave sebi protivpravnu imovinsku korist i da je protivpravno prisvoje, što su i htjeli, na način da su sa pmv NN marke i registarskih oznaka se dovezli u neposrednu blizinu benzinske pumpe gdje su se maskirali tako što je M.H. preko glave i očiju navukao kapu koju mu je prethodno pripremio E.K., a preko usta i nosa medicinsku masku, a E.K. preko glave i lica je omotao crnu majicu koju je prethodno pripremio, a zatim su maskirani ušli kroz otključana vrata u benzinsku pumpu u kojoj su zatekli radnika A.Š. koji je sjedio za stolom kome se E.K. odmah obratio riječima povišenim tonom „ovo je pljačka“, te mu prišao i upotrebom fizičke snage rukama snažno ga odgurnuo od stola, a zatim ga na silu uveo u prostoriju ureda i odmah ga snažno uhvatio za ruku i zavrnuo je iza njegovih leđa, a zatim ga tijelom pritisnuo uza zid i tako ga držao, za koje vrijeme je M.H. prišao kasi u kojoj se nalazio novac od dnevnih paazara kojeg je stavio u džep i kako je prethodno od E.K. koji je ranije radio na toj benzinskoj pumpi saznao na kojem mjestu se nalazi novac od dnevnih pazara, ušao je u prostoriju skladišta gdje je pronašao dvije manje kartonske kutije u kojima se nalazio novac od pazara koje je uzeo i krenuo prema izlaznim vratima, pa kada je E.K. vidio da M.H. napušta prostor benzinske pumpe pustio je radnika A.Š. i zajedno sa M.H. napustio lice mjesta, na koji način su sebi pribavili protivpravnu imovinsku korist u iznosu od 9.460,11 KM, a za taj iznos oštetili vlasnika benzinske pumpe.

Dakle, upotrebom sile protiv neke osobe oduzeli tuđu pokretninu s ciljem da njenim prisvajanjem pribave sebi protupravnu imovinsku korist.

čime je počinio krivično djelo Razbojništvo iz člana 289. stav 1. a u vezi sa članom 31. Krivičnog zakona Federacije Bosne i Hercegovine

pa sud optuženom, na osnovu naprijed navedenih zakonskih odredbi, te primjenom odredaba člana 7., 42., 43., 49. i 62. Krivičnog zakona Federacije Bosne i Hercegovine izriče:

UVJETNU OSUDU

kojom se optuženom utvrđuje kazna zatvora u trajanju od 1 (jedne) godine i istovremeno određuje da se ista neće izvršiti ukoliko optuženi u roku od 3 (tri) godine od dana pravosnažnosti ove presude ne učini novo krivično djelo.

Na osnovu člana 202. stav 1. Zakona o krivičnom postupku Federacije Bosne i Hercegovine optuženi M.H. se obavezuje da naknadi troškove krivičnog postupka, a koji se odnose na sudski paušal u iznosu od 50,00 (pedeset) KM u roku od 30 (trideset) dana od dana pravosnažnosti ove presude, pod prijetnjom prinudnog izvršenja, kao i troškove branitelja po službenoj dužnosti, a čiju visinu će sud odrediti posebnim rješenjem .

Na osnovu odredbe člana 212. stav 3. Zakona o krivičnom postupku Federacije BiH optuženi M.H. se obavezuje nadoknaditi štetu oštećenom “ TIOIL” d.o.o. Bila – Vitez , P.J. “ Tioil” Donji Vakuf u iznosu od 943,11 (devetstotinačetrestetri i 11/100) u roku od 30 (trideset) dana od dana pravosnažnosti ove presude.

Završeno u 14,15 sati

Zapisničar:
Ivana Jezidžić

SUDIJA
Aldina Rebihić Topoljak